

# АГИТАТОРМУД

Хальмг республикин күүч-көлсчир Алдр Октябрьск социалистическ революциин 41-ч джилин өөниг болн хальмг олон-амтн эврэннь дурн-седклэри Арсад ирдж орнас нааран 350 джилин өөн болхиг тосдж күүч-көлснэ агьуик өргмджтэгьэр көдлджэцхэнэ. Одр ирвэс колхозмудас, совхозмудас, предприятиясэ зурагьан болзгаснь урд күүцэхин төлө ноолданд шин дилвр күүцэдж йовх заньгс ирлгьн олон болад баянэ.

Республикин күүч-көлсчирин политическ болн производствин шин өргмдж гаргьджахын толгьалдж, олна кеджэх социалистическ дөрлдэг эв-аргьтагьар болн тодрхагьар ирлгьн — партийн организациин даалгьврта төрнө.

Келгдсиг күүцэлгьнд олондундин политическ көдлмш делгрүүлгьн ик нилчтэ болдгнь лавта илэр батрсмн. Тасрлтан угагьар сэн политическ цээлгьврин көдлмш олон дунд келгьн — тедниг негдүлдж-шунмгьагьинь өөдлүлдж, коммунистическ тосхлтин төрмүд күүцэлгьнд килмджинь тусхана.

Олондундин политическ көдлмш делгрүүлгьнд агитатор күүн ах даалгьвр күүцэнэ. Энүгэр дамжулад партийн организаци, Коммунистическ партиин болн Советск правительствин дотрдундин болн газдин политик олинд цээлгьдз өгнэ, көдлмшчнриг, колхозни-кудиг болн интеллигенциг орн-нутгин өмн зогсджах төрмүд күүцэлгьнд бүрдэнэ, коммунизмин сургьмдз эднд өгнэ.

Мана республикд 3000 даву агитатормуд көдлджэнэ. Эднэ ик зунь коммунистр, комсомо-лнр, советск интеллигенц, өвс хадлгьна, тарэ хуралгьна көдлмшт олон агитатормуд даалгьвран саянар күүцэдж ик дамшлт хоршацхав. «Сарпинский» совхозин эклц парт-организациин агитатор Иван Кензеев көдлмшчир дунд ик тоомсрта. Цээлгьврин көдлмшэн ухан-седклэн тэвдз, эв-тэгьэр кедгэрн тер тним үлмэ авч. Яшалтинск района «Заветы Ильича» колхозин эклц парт-организациин агитатормуд Калантырова, Гома даалгьвран илгтэ саянар күүцэдж, колхозникуд дилвр бэрхднэ ик доньган күргцхэнэ. Иим агитатормудин тонь ик олон.

Агитатормудин көдлмш тасрлтан угагьар кегдз, ик ачтусан, доньган парт-организацд күргдиг агитколлектив йил-

гьнэ. Агитколлектив цуглард, күүцах көдлмшин зурагьан батлад агитатормудт заавр өгэд көдлхлэ, сулар даалгьвран күүцэдж агитатормуд уга болна. Западн, Приютненск, Сарпинск, нань чигн райодт буудя хуралгьна саамд кеер токт, бригадст агитпунктс гаргьден — ик чинртэ болв. Сарпинск района «Путь к коммунизму» колхозин эклц парт-организациин агитколлектив ток болгьнд тним агитпунктс гаргьв. Эн дамшлтиг өргэр тархадз олзлх кергтэ.

Агитколлектив — агитатормудин йоста школ болх зөвтэ. Энүнд цаглань күүцэгдх төрмүд күүндврт тэвгдз, агитатормудт йоста залвр көдлмштн өггдхмн. Нарт делкэн баядлин болн орн-нутгин дотрдундин джиргьлин, колхозмудин, совхозмудин, предприятиясин төрмүдин тускар тохнята күүндвр кегдсн цагт агитатормудт туста болдз таасгдна. Яшалтинск района эклц партийн организациин агитколлективс нургьлдж агитатормудла тнигдз көдлмш кенэ, тегэд чигн агитатормудин шунмгьань өсдз, олондундин политическ көдлмш саянар делгрдж йовна.

Агитатормудин политическ көдлмшин ашнь производствени дилвр күүцэлгьнд үзгдхмн. Мана агитатормуд эн некврт ик килмджен тэвдз, тодрха төр хагьлхд күүцвр бэрдгнь үзгддженэ. Тарэ хуралгьна, өвс хадлгьна көдлмшт агитатормудин шунлт, эднэ дөрлдэ бүрдэлгьнэ, эрсин газетс, боевой листокс, «цэклгь» гаргьдз йовснэ ик демэн күргснэ ашд чигн государствд буудя орулдж өглгьнд ончта дилвр бэргдв. Цаарандан чигн агитатормуд политическ цээлгьврэн, күүцэгдз йовх производствени тодрха төрлэ ирлцүлдж келгьнд партийн организаци оньган тэвх зөвтэ.

Агитатормудин зерглэн зогсглан угагьар өсэд йовх зөвтэ. Производствени нүүрт йовх улсас зөрмгэр агитатормудин зерглэнд шинэс орулдж авч, эднэ медрлинэ өөдлүлгьнэ тускар тодрха көдлмш күүцэхмн.

Өдгэ цагт агитатормуд эрдни-шишэн ургьциг геедрлт угагьар хурадз авч, колхоз, совхоз болгьн силос дарлгьна зурагьан күүцэлгьнд, мал үвлзүлгьнд белхд, өвс хуралгьна көдлмшиг дуусхд онц оньган тэвдз олондундин политическ көдлмшэн кецхэхмн.